

馬自由著

革命逸史

第二集

蔣中正



馮自由著

革命逸史

(第二集)

商務印書館印行

本書第二集大意

一、本書第二集係將香港大風旬刊及十日刊三年來所載革命逸史重新整理彙集而成。並根據事實時期人物三者分別先後另行編排。

一、本書可與中華民國十七年出版之余著中華民國開國前革命史上中二編互相印證參考。蓋開國前革命史乃記載每次革命運動之本末。而本書則特重個人傳記及軼事。足以補開國前革命史所未及。

一、中華民國開國前革命史下編編輯早已就緒。各地人士時有敦促出版之函牘見寄。著者以環境及時勢關係未能早付刻版。良用歉然。今特從下編內抽出可以發表之事實。先在本書次第披露。以供快觀。

一、本書所載史料。除就著者記憶力所及分別錄出外。其餘概以己亥年（一八九八）出版之香港中國日報。及著者多年珍藏之筆記函牘民元臨時稽勛局調查表冊為底本。惟損一漏萬。仍恐不免。滬內外諸老友倘能列舉所知。匡其不逮。無任歡迎。

一、本書第一二集尙不及著者身歷及見聞種種事實十之二三。此後仍當陸續紀述。彙編付梓。以補正史所不及。

一、本書所載均屬最有根據及最有價值之正史材料。以民國至今尙缺乏清季革命時代的正史之公佈。故暫以革命逸史名之。

革命逸史第二集序

作正史難。作逸史尤難，正史或出官修。或撰自私家。前者集日曆實錄而成書。事遠則徵佐難求。時近則筆削多諱。體例多因襲。取材資官書。博則不得其衷。簡則不周於事。敘述無法。褒貶失中者。往往有之。若夫一家之學。宜或勝之。然才學謙德。不必皆備於一人。又況開國之方略。中興之謀謨。制作之因革。帷幄之獻替。蓋有非別預則不能盡悉者矣。自由少承庭誥。躬參締創。並世耆賢勳風。大抵皆其共患難締締締締之儔侶。早長稽勳局。周歷各行省。訪之身與各役諸勳舊。據事直錄。初無恩怨愛憎之私積於其間。一紀以前。草辛亥前開國革命史數百萬言。考民國開國前史實者。翕然宗之。抑余聞自由所見開蒐蓄之史料。尤什百倍前書。其前書不克盡收者。則讓之革命逸史。此其第二編也。繼此將續成問世。讀自由茲編者。念締造之艱難，知繼承之不易。將欲歷覽前事。恢張大猷。知必有取於是。斯則自由造端立意。撰述此書之弘願。而亦余所樂爲一言。以綴名篇末爲幸者也。

民國三十年春張繼序於陪都

自題革命逸史十首

仲尼當阨春秋作。左邱失明國語成。我志未酬愧死反。寫將逸史寄平生。
趙宣受惡稱賢相。崔杼防民號賊臣。千古是非公論在。景陽綱目畏何人。
子房辟穀從黃石。少伯扁舟泛五湖。若使當年工述作。不勞遷固遠操觚。
前代傳聞有異辭。卽今親見亦支離。何如締造艱難輩。各述行藏盡所知。
總理重陽唱大風。予生十四便從公。興中會設橫濱日。我是馬前一小童。
本，與余父發起興中會於橫濱，余時年十四，奉父命宣誓入會，並司傳遞書信之役。

開智錄倡平等說。國民報擊自由鐘。二四六年亡國痛。青年思想自陶融。
余於庚子冬與鄭貫公馮斯燾等發刊開智錄於橫濱。辛丑夏與戰元丞沈翔雲王龍惠秦力山等發刊國民報於東京，壬寅春與章太炎秦力山馬君武等發起支那亡國二百四十六年紀念會。總理亦具名爲贊成人，是秋秦毓璣梁瀚等組織青年會，余亦發起人之一。

重光漢業扶中國。善誘僑胞說大同。北美南洋司木鐸。空文差幸奏膚功。
癸卯余任香港中國報駐東通信員，是秋復兼任美洲大同報通信員，此外檀香山隆記報及新加坡國南報均藉余傳達消息。

同盟大會溯先河。七載經營俊傑多。若把關中比香港。不才豈敢望蕭何。
乙巳秋同盟會成立，總理即派余赴香港主持報務黨務軍務，庚戌復派余赴北美主持加拿大大漢報及舊金山大同報，兼籌募起義餉糈。

元年忝掌稽勳局。晚歲重修革命編。自信董南能直筆。開基功業此書傳。
數典忘先大有人。沐猴蒙馬更紛紛。一篇實錄皆身歷。啓導青年認國魂。

目錄

孫眉公事略	一
孫總理信奉耶穌教之經過	一〇
孫總理被困倫敦使館之清吏筆記	一九
老與中會員謝繼泰	二三
程奎光事略	二六
程璧光與革命黨之關係	二八
康門十三太保與革命黨	三一
記章太炎與余訂交始末	三六
女醫士張竹君	四一
洪秀全演義作者黃世仲	四六
「革命軍」作者鄒容	五二
興國州人曹亞伯	五八
日知會首領劉敬安	六二

劉敬安與劉家運……………六七

記上海志士與革命運動……………七四

孫總理癸卯遊美補述……………〇一

新湖南作者楊篤生……………二五

猛回頭作者陳天華……………二九

留歐學界與同盟會……………三二

二民主義與三民主義……………四二

中國同盟會史略……………四六

水牛將軍田桐……………五九

田桐事略補述……………六三

楊卓霖事略……………七一

新福州建設人黃乃裳……………七四

鑑湖女俠秋瑾……………七七

丙午靖州禹之謨之獄……………八三

胡漢民入黨時紀實……………九一

鄧師爺十國請醫生……………九三

謝逸橋事略……………一九五

東軍都督許雪秋……………一九九

心社創作人劉思復……………二〇七

國會議員流血第一人伍漢持……………二一二

南軍都督王和順……………二一六

香港陳楊三家與革命黨……………二二二

新世紀主人張靜江……………二二七

記劉光漢變節始末……………二三一

光復軍司令李燮和……………二三四

民國前之李登同……………二三八

廣東戲劇家與革命運動……………二四一

緬甸華僑與中國革命……………二四七

南洋請教員之笑話……………二六一

上海神州日報小史……………二六三

謝英伯之鼾聲……………二七〇

新小生李是男……………二七三

關外大俠蔣大同·····	二七六
湖南都督焦達峯·····	二八〇
鄭佐治事略·····	二八七
溫生財事略·····	二九〇
清季之西北革命運動·····	二九六
鄂黨人三盜金菩薩·····	三〇三
女監學榮陸監印官·····	三〇八
彭家珍事略·····	三一二
旅美華僑組織空軍始末記·····	三一六
粵記者陳耿夫被害始末·····	三二〇
唐少川之生平·····	三二六
章太炎陰司聽訟述異·····	三三四

革命逸史(第二集)

孫眉公事略

孫德彰，原名眉，字壽屏，廣東香山縣翠亨鄉人，孫總理（以下簡稱總理）之長兄也。居檀香山時，中外人士皆稱之曰阿眉，鮮有知其名德彰者。眉公二字，則於丁未年（一九〇七）自檀香山歸國後，同志以其年高德劭，始尊稱之。父名達成，早歲業農，娶同邑隔田鄉楊氏女爲室，鬪十載而生德彰。德彰幼聰敏好動，讀書鄉塾時，性頗強悍不羈。稍長，達成公以鄉人多赴東威夷羣島營工商業，楊夫人之弟文納適由檀島返粵，乃使德彰從其母舅赴檀謀生，藉諸世故。時夏威夷尙係獨立國，爲土人君主制，各島之農工墾植貿易事業，大部由中日二國人經營之。德彰至檀，初爲鄉人傭作，旋以舅氏楊文納之助，自向當地政府領地開墾。數年後更租得茂宜島荒地千數百畝，廣事畜牧墾植，又在茄荷營埠設一商肆，爲銷售農牧出產品機關，因而漸致富厚。丁丑年（一八七七）夏威夷政府以德彰經營農牧，成效卓著，特許以多招華人來檀，大興墾務之權利。德彰遂於回粵娶婦之便，在翠亨鄉招徠鄉人赴檀工作，一時應者甚衆，同時更租一大帆船，載此項移民數百人以往，在檀之老華僑莫不驚其魄力之偉大焉。次

年戊寅（一八七八）德彰以所業日進，乃函請達成公挈楊太夫人及幼弟赴檀就養，達成公無意遠遊，祇命總理楊太夫人前往，時總理年僅十三而已。德彰初命總理在茄荷雷埠商肆習懋遷術，旋知總理有志求學，乃遣赴檀山正埠教習學校習英文。癸未年（一八八三）總理以受耶穌教薰陶多載，漸篤信教義，毅然欲受洗禮。德彰聞之，恐總理日趨洋化，遂使回粵專攻國學，以補不足，且分撥財產一部以策勵之。總理回粵後，與邑人陸皓東同致力國學，日有進益；尤於鄉人迷信偶像事，攻擊不遺餘力。某日，鄉中北帝廟及天后廟之偶像先後被毀，鄉人指為總理及皓東所為，羣向達成公責難，達成公乃遣總理至香港就學以避之。德彰付父書，遂召總理赴檀免禍，並令退還所給財產以示懲戒，總理無異言。居久之，以屈處茄荷雷小肆，其志不伸，遂自赴檀山正埠，擬取道歸國，德彰親往慰留，且以不給旅費難之。總理乃求助於授業師美教士英蘭譯文，美教士慨然贈以美金三百，總理始獲成行。既而德彰深悔督責總理過嚴，即以鉅資寄達成公助總理向學。戊子年（一八八八）春達成公病故，德彰於數月前聞父病重，已回粵奉侍湯藥，至是對於總理愛護備至，凡總理所需學資，均允源源供給，故總理在粵肄業醫學多年，用度寬裕，皆德彰所給予者也。

癸巳年（一八九三）夏威夷羣島土人大舉革命，土王拒職不利，被逼退位，遂改君主制為共和。德彰往日思想頑固，側重保守，至是耳濡目染，心理為之一變，每聞鄉人自祖國來，報告總理時作歌頌太平天國及反清復國言論，咸不以為異。戚族中有恫以抄滅家族等辭，促其勸

阻總理行動者，概一笑置之。甲午（一八九四）中日開戰，清軍連戰俱敗，總理以國勢岌岌，非傾覆異族政府，改組民主政治，不足以圖匡救，遂於是年秋冬間赴夏威夷，向舊日親友募集義款，企圖大舉。抵檀後先蒞茂宜牧場就商於乃兄，德彰嘉其志大言大，首贊成之，且劃撥財產一部爲助。復致書檀山正埠親友爲總理先容。於是正埠有志僑商何寬、鄧蔭南、李昌、鄭金、鄭照、李祿、劉壽、劉祥、程蔚南、黃亮、鍾木賢、曹采、劉卓、陳南、許直臣、宋居仁諸人，遂先後加入總理所倡設之興中會，並募得義捐數萬元。總理得款後，乃於是年十二月歸香港大舉進行，旅檀同志鄧蔭南、陳南、宋居仁等亦先後回國參預義舉，德彰大有力焉。乙未（一八九五）九月，廣州第一次革命之雄圖，既以事前失敗。總理初亡命日本，組織橫濱興中會。旋赴檀島晤德彰商再舉計畫，德彰慰勉有加，且屬勿餒初志。未幾楊太夫人偕總理盧夫人及其子科亦由鄉人陸文燦護送至檀，均居茂宜牧場。德彰語總理，謂在檀同志新遭失敗，人懷懷喪，籌款宜徐圖機會，此時應先向他處發展，乃易爲力。總理深以爲然，因有美洲及英國之行。至丙申年（一八九六）九月，總理遂有被囚倫敦清使館之一幕。

己亥年（一八九九）總理以康徒梁啟超、韓文舉、歐陽甲等漸贊成革命，往返頗密，因有聯合組黨之舉。事爲康有爲所知，立派門人葉覺邁攜款赴日本，勒令啟超即赴檀島開辦保皇會。啟超不得已遵命赴檀，瀕行約總理共商國事，矢言合作到底，以檀島爲興中會發源地，力托總理爲介紹同志，總理坦然不疑，乃作書爲介紹於德彰及諸友。是歲十一月啟超抵檀，持總

理介紹書見僑商李昌、鄭金、何寬、卓海諸人，備受歡迎，旋赴茂宜島訪德彰及其戚屬楊文納、譚允等，德彰待優渥，且令其子阿昌執弟子禮，復導啓超乘馬遍遊牧場，經日始畢。啓超驚其規模之偉大，撫德彰背曰：人稱君爲茂宜王，今乃知爲名不虛傳。德彰聞之大樂。啓超乘便漸以組織保皇會之說進，謂名爲保皇，實則革命，與令弟之宗旨實殊途同歸。德彰人素趨直，且誤爲預得總理同意，遂允竭力助其成事。故在檀僑與中會員李昌、黃亮、鍾木賢等亦同入彀中，前後捐助漢口起事軍餉逾銀十萬元，德彰更令其子阿昌暨啓超至日負笈於康徒所設之大學校。總理在日聞之，乃馳書責啓超失其背義，並勸德彰及諸友勿爲所愚。然德彰及在檀與中會員受毒已深，久未覺悟，其後孫昌至日留學雖由總理代管學費，然仍申父命，與檀僑子弟羅昌（羅登桂之子）、何靈（何董珍女士之弟）、梁文賢（梁臨南之弟）等同肄業東京大同學校，總理亦不能禁之也。時啓超前後有多函致德彰備陳籌款保皇各事，茲擇錄二通如次：（原函現由馮自由保藏）

【其一】孫眉仁兄同志閣下：拜別以來，忽經旬日，每念厚誼，未嘗或忘。近日北京事發急，各國西報日日揚言必當救皇上廢西后，而唐山來書，南方預備既足，亦指日起事，此誠今日最大機會也。弟因現時外交之事甚要，欲急往美，本擬十號搭阿士梯耶前往，因太急不能得船位，而昨日多力船來，接有香港星加坡兩電，皆催弟即刻回唐，又別有一電催會項也。弟尙未定行止，然弟意究以往美爲要，因唐山事有弟不爲多，無弟不爲少，美國事則惟

弟就近前往乃可也。故現時仍往美爲多。阿昌隨行之議既決，望閣下卽遣其姪日則來大埠，以便同往，弟約在二十號之船必啓行矣。今日得接德初兄來書，內附閣下所惠隆儀五十元，謝謝！閣下前爲公事，旣已如此出力，復多所餽贈，於弟誠不敢當也。本月四號大埠本會請酒，集者百三十餘人，演威值理數名皆到，是日共加捐六千餘金，今日鍾木賢黃亮又各加捐三千元。（四號之會兩位已各加捐千元）可謂踴躍之至。人心如此，大事何患不成？望告各同志卽將會款迅速收集，急需歸，以應急需，是所切盼。此請義安！太夫人尊前望代弟請安！楊文納兄譚允兄處望代傳電問候。弟啓超頓首。七月七號。

【其二】孫眉仁兄同志：阿昌到埠得接手書，欣慰一切。弟本擬搭二十號之船往金山，乃於本日唐山金山船同時到埠，接有星加坡電文兩封，上海香港日本信函多件，皆催弟卽日歸國辦事，不可少延貽誤。弟看此情形，必是起義在即，有用着弟之處，再四籌度，不能不改而東歸，決於明日搭日本丸東返矣。弟此行歸去，必以逸仙，隨機應變，務求其合，不令其分，弟自問必能做到也。至弟旣東行，行蹤無定，所有阿昌相隨之議，似可作罷論。蓋東方無甚可開見識之事，而阿昌現當就學之年，似仍當令其入書館，勝於歸也。此子循良，弟甚愛之，望其勉學成就，他日共事之日正長也。至於令姪及各同志捐項，仍望趕收趕匯，因唐山急催弟歸，其事機之急可知，其需款之急更可知矣。匆匆手此告別，卽頌義安！楊文納譚允諸兄望打綱綵代弟問好告別。弟啓超頓首。七月十七日。

夏威夷羣島自戊戌年（一八九八）已合併於美國，美取保護制度，置總督一員治理之。己亥年秋冬間，檀島疫癘盛行，當地政府乃火焚疫癘區，以杜傳染，居民多被驅逐市外。華僑以財產損失不貲，咸怨恨祖國政府之保護不力。啓超三檀時，距火焚疫癘事未遠，聞者惑於擁護清帝變法維新，足以保護海外僑民權利之說，以爲起兵勤王一途，實較革命排滿爲事半功倍，故於啓超之倡設保皇會，多踴躍參加，而舊與中會員尤稱得力，德彰亦其中之一人也。及庚子（一九〇〇）後，康梁師徒斂財之真相，逐漸暴露，信用日見消失，於是在檀之舊與中會員，多深悔前誤，頗有以總理前此介紹非人爲辭者。阿昌在日本一年，德彰即召之回檀，旋遣赴美國加省督醫。癸卯年（一九〇四）秋總理自日重遊檀島，時保皇會勢力已漸衰弱，其黨新中國報對總理所主張大肆排擊，總理乃假舊與中會員程蔚南所設檀山新報，親撰論文以駁斥之，革命黨勢因之復振。旋往茂宜島與家人團聚，舊時親友以總理深諳醫術，每有疾病，輒就之求診，總理初以此道荒疏爲辭卻之。德彰謂既是醫生，毋庸固執；總理遵命行之，就診者莫不藥手回春，衆咸驚爲神奇。其時楊太夫人語總理曰：革命目的在救人，行醫目的亦在救人，學是救人，何必東奔西跑，自尋煩惱？德彰曰：行醫祇能救少數人，革命則能救多數人，吾弟奔走革命多年，自應始終一貫，豈可輕易變更，前功盡棄。聞者咸奉爲至言。然德彰是時之經濟狀況，已大不若前此之豐裕，蓋美國治檀後，對於各島農牧租地條例施以種種限制，茂宜牧場收入遠不如前，故總理於是冬美國之行，德彰不能多所供應。瀕行除給予少數川資外，另